

013104⁷

AGLAI

ILLUNAINORTUT.

Nr. 1

Nain, Januar 1902.

Nr. I

SIVORLIOJUT.

Kaujtitaksauvose, Nagliktakka, mánanit sakkertoka-kattarniarmat aglársungnik ukkotitunak, ajornangipat. Takkit tamaita sakkertitsinasuarpoguk taimaitunik okkiorme tamattomane. Kanorle kingorngane illingalármangát nellovoguk sulle. Aglaktigut makkotigúna okautijomavapse ajokertútsinik unipkautsiniglo sunatuinarnik; tussartitsomavapse kaujijaksaujunik illusiksaujuniglo illagène, iglupsingne, niuvervingme; unipkárvigijomavapse pijokalauktut sillaksoarme erkaumanaluartut illanginik assinginiglo. — „Illunainórtunik” taivavut aglait tamakkoa, inungnut illúnainut illingakogalloaraptigik. Nakudlara jarpok, atuartauntsiarlutik tussarnerijauna jarpatta inungnut.

A. Martin. C. Schmitt.

JAREMUT NUTAMUT. (Img. 23, 1.)

Järe nuták pigialerêrivok. Tagva salutidlarpapse illunase, nanêgalloarmangâpse, avane ânelônêt. Omamut tussuvunga, jâreme nutâmetauk tarnekut timekullo pairijaurkovluse Nâlekkamut, illa illúnase pairijaujomalervovluse tâpsomunga, nellise pairilugo Gûde kunujuingmat, pairijaujomatuinarpuse.

„Nálegak pairijigivara, ajoksarniangilanga sumik!“
Tákkuitse Nálekao pairijangita pilloringningannik, —
sunik ajoksarniangilat.

Imgerut 23 senajaumavok Davidemut. Inôsuhtôvlune
sulle Davide mianersilaukpok Isaib nergjutekotinginik.
Tukkisilauktaminik taipsomane, piniarnerilauktaminik, il-
luserilauktaminik taipsomane nergjutit mianerilauramigit,
atorpok adsiójungortillugit Gâdib pairsininganut inukoti-
nginik. Gûde adsiotipâ mianerijimut, nangminermingie
adsiotipok saugakutajomut.

Nálegak pairijigivara — mianerijigivara — taimak
okalerpok. Sorlo mianersijub saugakotine kamagidlarma-
git, patangaitillugit, pairivlugillo, saputivlugillo — taimak
Gûdib inukotine piniarvigilerivait. Inub mianersijubaju-
kattarpait saugakotine piniarvigilugit issumaminik. Ivi-
sukat kiamut kunulerangata, saukat tungujoktanik nerri-
tillugit inub ajorpait. Taimak ajukattalerivok saukat sa-
putivlugit nangianartunit pitsartunekangimut.

Gûde illinganekealungilak inuktut. Nálegauvok,
ajugakangitôvok, nuna pingillo pigivait, tunitsiviovek
pitsartunernik tamainik kilangme nunamelo. Taimaimat
tunnidsivigijungrarpêrga kaut tamat pijariakartannik
tarnekut timekullo. Tamna pairijigigapko, ajoksarniangi-
langa sumik.

Tamannauvok Gûdib pairijangita piloringningat. Tamat-
tcminga illargiutivikartitaukovapæ illrææ jêrcme
nutâme.

Kanorle pairijajomavise tapsomunga? Saukkat akkor-
nganne kunujkakattarok. Ijmik tautuktargit mallige-
mavlugit nálelungilat mianersijub nippinganik. Issuma-
mingnik piniarlutik tamarput, aivut iviksukatakangitomut,

ittersálungnut kattakput, amarkunut tokotauvut. — Taimak uvaguttauk illangiutititaujungnatuinarpogut Gúbib inukotingita piloringningañik, Gúdemut pairijaujomagupta, issumaptingnik piniarungnairluta, ijib tautuktaniginik malligungnairluta, Gúdib nippinga, Gúdib okausingit nálekuptigik. Taimailiorluta kissiane okarungnaler niarpogut Davidetut: „Nálegak pairijigivara, sumik ajoksarniangilanga.”

A. M.

Angajokaukatigêt illijaksat.

Illusiksaujut okautigivakka amma, kaujjautsiarkovlugit inungnut tamainut.

1. Ajokertuijersoapta perkojangat malliklugo, illagêngniptingne tamaine mãñamit angajokaukatigêktokartuksauvok ikajortuksanik ajokertuijunik, aulatsijuksanik illagêt akkorngañe, attanertuijuksanik, ullapirsaijuksanik, pinasuartuksanik illagêt idluarkutiksanginik timekut tarnekullo.

2. Angajokaukatigênut tapkonunga illauniarput illagêt kivgangit, angutillo illangit illagêt añeriniartangit.

3. Añerijaumajut illaugalloaramik angajokaukatigênut, illinganiangilat kivgartormer nut kattimavingme.

4. Añerijaksaujut kapsioniarmangâta aulatauniarpok illagêt unurninginut. Inungnut 100dinut ikinersanullônêt angut atausek añerijauniarpok, 200dinut angutik magguk, 300dinut pingasut añerijauniarput. Upvalo: tukisinarmariktomik okaromavlunga kaujiti papse, Ramamiunut angut atausek, Hebronemiunut 3, Okamiunut 4, Nainemiunut 3, Hoffenthalemiunut 3 añerijauniarmatta.

5. Illagêt kivgangit illautsainarniarput angajokaukatigênut, nutsangikumik inimingnit; angutille añerijaumajut járít pingasut navlugit kissiane illaumiarpút angajokaukatigênut. Járít pingasut nálerangata, añerosuktokartuksaugivok, taipkoale añerijaumalauktut sivorngane añerijaujungnarivut.

6. Añerijaumajut illangat (illautillugo angajokaukatigênut) inójungnairjarpát núnajarpallónét nunamut kattimavitalingmut assianut, tagva inangértiksanga añerijaujariakarniarpok illagênut. Taimailinganarivok, añerijau-majut illangat [illautillugo angajokaukatigênut] pititaksauñajarpát avisimajunut, avitaujuksauvlune illagênit nùtsariakarmingmat angajokaukatigênit. Inangértiksalle taimaitut nájituinarniarput inangértamik járinginik.

7. Añerijauviksakartillugo angutit illúnatik avisimangit-tut, járekartut 20nik ununersaniglónét añerosurkojavut idluarijamingnik. Járekangitut sulle 20nik avisimajullo añerosurkataurkojaungilat.

8. Añerijauniartut járekariakarpút 25nik unurnersanig-lónét, Komunionitanut illingajuksauvut avisimajunulle illinganatik.

A. Martin.

Umiaksoavut.

1896mit, járít sitamat návlugit umiaksoakalaungilagut nangminerijaptingnik. Spring Hill, Washington, Norman, tápkoa umiaksoat attingit, attamut ovungarlauktut. 1900 me Neufundlandemiut aglalitsijingat kaitsilaukpok perkuptingnik ajokertortiptingniglo. Nangminek umiakanginivut angijomik ikpigilaukpavut kiksarutigilugolo. Tagva angijomik kujaliutigilerpavut, aujame kángertome umiaksoakalaungmigapta nangminerijaptingnik. Unét nu-taungitok, járekarame 25nik, akkikilaukporle, angajo-káptalo umiaksoiniutingat námalaupok pissiniarvigilugo ákilugolo. Tussuvogut ingergarningine sapputijaurkovlu-go, kivgartorungnarkovlugo uvaptingnik sulle járinik unuktokasanik.

C. S.